



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

V. Ivnii. S. Bonifacivs.

urn:nbn:de:hbz:466:1-38356

S BONIFACIUS in Angliâ natus, à puero sub disciplinâ instituti mona-
 stici educatus, in omni literarum genere, præcipuè verò sacrarum scriptu-
 rarum intelligentiâ, tantum doctrinæ laudem est consecutus, vt multi fama
 eius passim diffusâ moti, ei se erudiendos tradere laborarent. Ipse verò ho-
 minum fauorem horrescens, solius verò diuini amoris Zelo accensus, pere-
 grinationem pro Christi gloriâ, ad loca remota suscepit, ac primùm venit in
 Frisiam; at vbi illic maximam partem Ecclesiarum Christi à Radbodo tyranno
 seruos Christi persequente & profligante, vastatam & euerfam; extracta verò
 dæmonum cultui fana reperit, rei indignitate motus, vacua spiritali fertilitate
 arua relinquens ad natale solum se recepit. Patre monasterij sui intereâ de-
 functo, fratres ei regendi munus decernunt; quod ipse, qui peregrinationem
 meditabatur, recusans, impetratis ab Episcopo illius loci benedictione & li-
 teris commendatitijs Romam profectus est, vbi à Gregorio II. Pont. Max. be-
 nignè exceptus mandatum prædicandi Euangelium per Germaniam accepit;
 ac litteris Apostolicæ sedis instructus, varias Germaniæ prouincias, vbiq; ver-
 bi Dei semen spargens, perlustrauit; tandem auditâ Radbodi morte, in Frisi-
 am redijt, ac plurimos ibi ab idolatriæ erroribus ad veritatis lucem retraxit.
 Manabat interim longè lateq; fama prædicationis eius, & fidelium numero
 magnæ fiebant accessiones, ita vt Romam veniens, fidei & doctrinæ suæ Pon-
 tifici summo rationem redditurus, Episcopus ab eodem crearetur; ac demùm
 cùm inde reuersus, infinitam multitudinem hominum fide Christiana imbuis-
 set, Moguntinensi sedi, in eius gratiam ab Archiepiscopatus dignitatem eue-
 ctæ præficeretur. Quamobrem cùm in tantâ messis copiâ paruitas operario-
 rum, quos habebat, non sufficeret instituentæ credentium multitudini; acci-
 uit plures alios pietate & eruditione præstantes viros & per prouincias multas
 ordinauit & constituit Episcopos, extruxit Ecclesias, erexit monasteria; ac
 tanta Germaniæ populis beneficia spiritualia feliciter præstitit, vt *Germanorum*
Apostolus mereretur appellari. Tandem naui in Frisiam delatus, impiorum
 latronum scelere trucidatus est Non. Iun. A. C. DCCCLV.

Ex vita ap. Sur.



S. BONIFACIVS ARCHIEP. MO.
 GVNT. M. ORD. S. BEN.
Pote GERMANIS vias plantatur in oris.
Sic FRISO Patrem barbarus ense necat.

Handwritten notes on the book's spine:
 ...
 ...
 ...
 ...

2. DIE

VILIVNI